

山陰書館惠存

莊銀安先生七十晉三壽言

陳乃元
署簽

壽言集自序

余世居於福建同邑鼎美之祥露鄉自束髮受書以還嘗聞諸鄉人歸自南洋者言曰外國人欺我僑民殊甚輒欲身親其地以窮究竟年十八南渡緬甸耳目所及始悉外人之所以欺我侮我者皆我國勢不振有以致之余因是革命思想油然而生蓋非革命不足以強國非革命不足以喚醒僑民適孫總理及陶成章胡漢民諸先生先後蒞甸相見之餘談革命甚懽晝夜不倦於是余之致力於革命由思想而爲事業矣如設立革命機關也閱書報社也光華日報也僑民學校也數十年如一日未敢稍懈辛亥秋武漢首義天下嚮應余被舉回國助理謬膺廈門財政是時司空仰屋秩序因而不甯經余電南洋請款地方秩序賴以稍安嗣復南渡民國十二年摒擋一切回國鄉居

——自——

不復作遠遊之想矣時年六十有八迴溯生平事業無補於世趁此衰老退樂餘年而
省政府不以老拙見棄委余承乏僑務委員駑馬加鞭時見顛躓民國十七年九月二
十七日爲余年七十有三賤辰親友知其事者咸欲爲余壽固辭未獲宏篇傑作美不
勝收余何幸哉得此榮寵銘心不忘爰刊斯冊所以示謝且以誌喜

中華民國十八年春日

七十四叟莊銀安草

——序——

銀安莊老先生七十晉三榮壽序言

序

言

太史公傳游俠謂其信言果行重取與然諾捐軀命以赴困阨義概足多於朱家郭解輩贊揚靡遺餘力烏乎俠以武犯禁時干文罔有道君子厭稱之非以其血性過人未濟以深沉之學養乎不意俊傑識時兼有保身之明哲如 莊先生其人者 先生少時見識則邁羣輩當四十年前仰光華僑之小姓者每被大姓壓迫無法伸訴先生憤不能平常挺身爲小姓代表與之力爭輒得勝利故福建會館推爲耆長之一而銀安家長之譽亦藉甚一時也戊戌以後國中人士力倡變法 先生在仰亦創設中華義學以開先風氣時康有爲自印度至仰旅仰華僑尊之如神聖延其演講鼓吹保皇先生與友陳春源徐贊周提倡革命薄其所爲康慕其名欲籠絡之 先生終不贊成附康者目爲叛逆而 先生之革命色彩益鮮明矣丁未以後革命空氣磅礴海內外當時同盟會欲以滇桂爲根據地志士之由緬甸越南潛入者頻繁其由緬入滇者每就 先生擘劃一切及河口失敗 先生知時機未成熟遂在仰辦光華報以胡漢民

汪精衛居正呂志伊等主筆政大吹革命言論一縈風行聞者傾向清廷大恐向北京英使署交涉請英政府令仰光巡撫逐居正出境 先生時爲全盟會會長聞警先避檳城又在檳城辦光華報二埠之有黨報皆 先生爲之嚆矢焉辛亥革命軍起華僑匯款數十萬來閩推 先生出爲南洋總代表勸助光復事業閩都督府咨爲顧問厦門參事會亦推爲議長及二次革命失敗 先生仍回仰經商經理大同油廠數年間得資鉅萬遇有革命之役多率旅緬同志籌款贊助嗣以年老回國休養前年黨軍入閩省政府委爲僑務委員會委員因省政未就軌範經費無着再與戴金華林國治二委員墊款二萬餘元其熱心黨國始終不懈履險如夷蹈危如安如游俠者而其學識非凡志趨遠大則爲豪俠所不及耳歲戊辰季秋值先生七旬晉三誕辰同人等不文愧無以爲壽繼思先生風節固自足壽世壽人者爰就管窺所及述之以侑觴政云

民鐘報同人李碩果陳允洛梁水絃劉石心傅振箕陳紹虞陳一民陳範予梁唯明李鐵民潘運樞紀昆侖等同祝

莊老世伯銀安先生七秩晉三壽序

八閩多端厚凝重重士若質而文樸而華和而剛者銀安先生庶幾當之民國紀元三年袁氏篡國惡氛甚熾冰弦間關走緬甸輒聞諸道路僉謂革命大業萌於海外僑人社會當 孫總理暨故將軍克強先生初抵緬境先生首率鄉人共策大計爾後瘁力於是者垂十年迨新邦肇造而先生不名於仕版蓋商爲先生之素業有事於革命者則公誼也公誼完成爰復素業故冰弦幸遇之日先生已爲一義聲昭著面恬然蟄伏市井之賈人逾十稔冰弦操筆政於廈門密邇先生珂鄉而先生亦已高年歸里優游林圃時復健步於鷺江鼓島間條然自適矍然不滓維洪範五福曰壽曰富曰康寧曰攸好德曰考終命先生已逾花甲又四之一於古亦云上壽爲國盡瘁之餘小試計然術輒有什佰中人產奚必纍纍始爲富耄耄之年不策枚登高臨深吾儕噓氣乃僅及之皤然其頂而膚色彌華老當益壯至若息跡里閭猶日事於敦禮正俗弭盜止鬥其德先蓋又無間大小也冰弦生性不解作諛詞先生儻亦以喜其愚直之故十年之別

序

言

千里之阻茗香酒熱月夕風晨恒齒及之祝嘏佳辰冰弦於役江南未克登華堂爲卮
酒獻顧先生必以獲片詞爲快慰則小子何敢以不文辭爰據所懷爲先生祝無量壽
中華民國十八年 月 日

世愚侄梁冰弦拜撰

銀安莊老先生七十晉三榮壽序言

莊銀安先生七秩晉三序

我聞世之論老少者矣十歲曰幼二十曰弱冠三十四曰壯五十曰始衰七十八九十則曰頽然老矣雖然是所謂幼也弱冠也壯也始衰也頽然老也果足以論老少乎哉曰否否不然夫人之所謂老少者以精神言以志氣言而不以年言也昔者殷周

壽

之際尙父年且八旬矣投竿而起奮於牧野視天下若無物卒成周業漢書記馬援年六十有二披甲上馬据鞍顧盼以示可用光武嘉之曰矍鑠及討平武陵五谿蠻時年

序

已八十是其果可謂之老乎反是而年富力強溺於犬馬聲色盤樂怠傲友其友而黨其黨以求極其流連忘返一身之事且有待乎人者遑論家國事宜若是者謂之少可乎是故精神充足志氣堅卓雖老猶少也精神痿頽志氣衰退雖少猶老也福建同安祥露鄉莊銀安先生一生俱少年也鶴髮童顏嗜義如飢渴之於飲食義之所在拍案而起不顧身家浩然之氣盤旋於其全身儻所謂老當益壯者非耶先生素有大志富

獨立性年十八即渡海謀生于南洋仰光克勤克儉家因之小康信用亦漸著年二十七任仰光福建公司董事四十歲時目睹僑胞子女富者入外國學校讀外國文貧者秦半廢學因之華人不識華字不諳華語者觸目皆是乃與西濱鄉故友陳春元先生謀倡中華小學堂于仰光身任校長凡三年是時南洋風氣尙閉塞仰光之有學校以中華爲始是校至今尙屹立于仰光所培植之學生數以萬計先生旅外既久感觸于外邦之政優國盛中國之政窳國衰國民任人魚肉於是慨然興革命之思會 孫總理與陶成章等將興中會光復會併合改名爲中華同盟會既于日本東京組織成立即派居正呂志伊楊思復胡漢民汪精衛陶成章諸同志先後到仰光創辦光華日報并設立中華同盟會緬甸支會先生與焉遂舉先生爲之長兼任光華日報監督是時華僑聞革命二字多咋舌乃設立覺民書報社名爲開通民智機關實則進行革命事業汪胡諸同志又各逞其妙舌每夜演說宣傳于是僑衆多覺悟加入同盟會者與日俱進未幾保皇黨大起猜忌密報居留地政府封報館逐主筆居正出境先生奔檳榔

壽

嶼糾集同志謀光華日報復活于檳城嗣因經濟困難勢將停刊先生又出而維持並在檳城設法恢復民報聘定宋教仁戴天仇爲主筆將定期出版而宋君以主持湖北革命事中止南渡時民國紀元前一年也是年武漢舉義迭克名城捷報傳至先生喜不自勝日出募捐匯鉅款濟軍需南洋黨部總機關集合各埠同志開大會于檳城遂舉先生回國勦辦國政先生抵香港聞福州已克復乃急返廈門廈門同鄉挽其在廈主持一切先生慨然允任鉅艱設立參事會任財政局長廈門秩序大定後晉省參議大局頻電南洋籌款先後匯到省城者計六十五萬匯到廈門者計十有四萬未幾袁世凱擅權排除民黨先生憤甚于民國二年忽然再渡仰光非以退避實圖再舉民國十一年始挈兒孫三人回里老焉同安於閩南故稱富庶民間婚喪禮儀競尙奢侈先生大聲疾呼提倡節儉定規則印傳單聯絡各鄉家長督促進行不數年而成効卓著民國十六年國民革命軍入福建政府設立福建僑務委員會綜理福建僑政任先生爲委員先生以僑胞痛苦都曾身受目擊不能不急爲解除於是以馮婦自居投杖而

序

壽

序

出殫精擘劃不遺餘力最可奇者先生以古稀之年膺繁劇之任辦理案牘有條不紊又復出其私蓄治園舍供里之人農餘遊憩之用而其土木之工俱于暇日親往督之里有訟爲之和被屈者必盡力爲之信吁若先生者謂爲一生俱少年豈過言哉夫以文壽人多於有明之末而盛於有清學者恥爲之誠以其類多曲譽而寡實也而若先生之大仁大勇欲已於言又奚可者故於其七十晉三之辰進斯爲祝末學後生得書前輩光明磊落之跡蓋彌榮焉民國十七年十一月 日穀旦世侄薛一震敬撰

同志弟

陳炳釗 歐九如
劉成燦 陳瑞麟
林國治 林書晏
戴金華 郭滿助
葉見元 戴正中
張永福 莊有才
黃開物

世

侄

丘厓兢

仝鞠躬

戴裕昆
林端綿
施志霜
戴春熙

壽銀安先生七十晉三大慶

壽

序

蓋聞五福肇遐期之頌九如萃洪算之榮此舉其壽而言究不如先生奔走革命救民於水火之中偕壽世壽民而有焉恭維誕屆弧辰年逾杖國繞膝含飴介壽稱觴天倫之樂蔑以加矣溯其幼時頭角崢嶸鄉父老咸器重之壯早樹立歷遊緬甸仰光各埠營業之餘恆以清政不良異族欺侮引以爲恥民國紀元十年前鼓吹革命改造國步于仰創設中華同盟會爲革命總機關適志士胡漢民陶成章輩渡海而來舉先生爲中華覺民兩日報之長並設中華福建男女二學校身居異地志戀故國烏乎壯哉民國元年南洋同盟會推先生回國陳述政見福建都督府授以顧問嗣任福建省參議院議員廈門財政局長召棠郇黍遺愛偉矣泊乎民國十六年革命軍自南而北福建省政府組織僑務委員會以保僑民委先生爲委員擘劃僑政無不導竅又出其餘緒於本里提倡民團捍災禦患食和飲德里之民沐共其恩澤焉敝校忝屬範圍蒙爲學監栽培子弟爰綴俚詞以當侑酒俾後之人知所式從不僅壽祝南山樽傾北海已也

—— 序 壽 ——

謹序

中華民國戊辰年秋月

積善里學校全拜
陳耿文撰

耄年定可卜	七十古來稀	僑務值公退	攝生得禪悟	功成隱丘壑	辛亥賦歸來	欲喚國魂回	健兒咸磨掌	蓄極終必洩	咄彼韃靼奴	祥露有偉人
期頤觴再飛	又羨三春暉	顧曲著雅度	雄談且健步	花木手自栽	南服挽理財	海外振木鐸	奇士盡入幕	勝廣田間作	久羈中原鹿	大厦支一木
南極白髮仙	海屋添壽籌	東山謝太傅	矍鑠哉是翁	安閑如此老	秩序盡寧帖	光華燦南洋	先生雖作客	報章羽片飛	屈伏四萬萬	髫齡渡南遊
人瑞之攸歸	玉堂揚光輝	疇云桑榆暮	其道在守素	端不羨雲臺	碩畫羨英才	爲國忘故宅	心腸堅鐵石	主義非部落	悉作彼臣僕	壯志扶漢族

晚生丘壘競敬祝

先生讀書識真理 摘句尋章非所喜 天生一副熱心腸 胡虜未除引爲恥
目覩世人爭氣多 每因細事起風波 一經苦口爲排解 立止持矛與執戈
古來富貴和貧賤 氣節幾人終不變 多君自有此操持 我從何處何時見
昔年同寓在炎州 朝往夕來相與遊 始識心胸多遠慮 可知商賈有名流
名流自古多磨折 商業可憐時作輟 如何時運不長亨 無乃天心勵豪傑
果然一旦遇相知 汲引長才正及時 大展經綸興實業 數年已是擁多資
人生得意貴知足 急流勇退身不辱 非因老悖棄子孫 留此餘年早收局
本具生成愛國心 况當亂世載浮沉 東山不出優游樂 其奈蒼生若望霖
縱異文翁能化蜀 談言微中自宜俗 改移無數舊頽風 大快平生心所欲
故人今日盛筵開 敬上華堂進壽杯 且祝諸賓還自祝 年年飲酒悉同來

愚弟楊鏡笙恭祝

壽

詩

聚居世外有桃源

佳日優遊映碧軒

絳縣老人論甲子

漆園家學溯根原

趨庭讀律陰功著

隱市治生古道存

鞠膳幕韞賓客集

香花黃裏好開樽

朱顏鶴髮九疑僊

閨苑優遊不記年

曾作慈雲橫絕域

還騰豪氣豎中天

星輝南極光初耀

菊映東籬色正妍

共說期頤應未艾

杖頭猶是吐輕煙

廈門交涉員劉光謙拜賀

正符絳縣老人年

秋滿蓬壺九月天

好向椿庭邀健叟

爰將梓舍結名賢

蟠桃遠寄瀛洲客

叢菊來迎島國仙

映碧軒中花木盛

壽星高照更清妍

愚弟林煥章拜祝

南華門第仰芳徽

杖履逍遙過古稀

濠上觀漁舒晚景

夢中化蝶得僊機

相親風月園林好

一任滄桑世界非

孫子滿前家慶樂

黃花香裏舞斑衣

李世銳敬賀

其一

古稀已過宴西池 此日昇平耐溯思
綵筆早書秦塞曲 白頭方見漢官儀
江東豪俊推先輩 海外安危繫昔時
莫道鄮侯是暇逸 裏糧百萬孰維持

其二

新築亭臺畫裏看 兕觥溫入曉霜寒
儘多華髮三秋老 猶有雄心萬里搏
誰道龍鍾行不易 欲教獅吼知非難
周家決策平天下 須向烟波問釣竿

世晚

薛一震

林端綿

許青雲

仝賀

戴玉谷

戴春照

錢覺非

戴裕昆

施志霜

戴守志

菊酒筵開映碧軒 壽觴飛舞列堂前
調和霓曲傳喉舌 響遏秋雲出管絃
仙草長生兼益智 靈丹不老復延年
羨翁矍鑠身康健 又喜才郎肖父賢

弟沈揚德拜祝